



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LVI. Excalceati Ord. S. Aug. declarantur veri filii dicti Sancti, &
communicant in privilegiis Calceatorum.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

incumbimus, ut Beatorum aeternae gloriae possessorum quos Divina bonitas corona justitiae donavit in Caelis, cultum, & venerationem in terris promovere, atque ampliari satagamus prout pietati consentaneum, & Fidelium aedificationi conducibile fore in Domino arbitramur.

Preces.

§. 1. Alias siquidem piis, enixisque clar. me. Michaelis dum vixit Poloniae Regis Illustris, ac dilectorum filiorum Praepositi Generalis, & Praebyterorum regularium Societatis Jesu precibus nobis humiliter porrectis favorabilem assensum praebere cupientes, de Venerabilium Fratrum nostrorum S. R. E. Cardinalium sacris Ritibus Praepositorum Consilio, ut de Beato Stanislao Kostka Polono dictae Societatis quotannis die 13. Novembris in universo Regno Poloniae, & Magno Ducatu Lithuaniae, necnon in Ecclesia S. Andreae in Monte Quirinali hujus Almae Urbis nostrae, ubi ejusdem Beati Stanislai Corpus requiescit, ac omnibus, & singulis aliis Ecclesiis dictae Societatis Missa, etiam a Sacerdotibus eo die ad Ecclesias hujusmodi confluentibus, & a Religiosis ejusdem Societatis, ubicumque terrarum existentibus celebrari, & Officium recitari de communi Confessorum non Pontificum juxta rubricas Breviarii, & Missalis Romani libere, & licite possent, & valerent, auctoritate Apostolica concessimus, & indulgimus, & alias prout in Nostreis desuper in simili forma Brevis die 16. Augusti 1670. uberius continetur.

Iterate preces ejusd. Regis, Archiepiscopi, Episcopi, & Nobilium Poloniae pro habendo d. Beatum Patronum principalem d. Regni, & Ducatus Lithuaniae.

§. 2. Cum autem subinde enixa, & reintegratae preces nomine dicti Michaelis Regis, ac Venerabilium Fratrum Archiepiscoporum, ac Episcoporum, necnon dilectorum filiorum nobilium virorum Senatus Regni, & Magni Ducatus praedictorum nobis pari humilitate porrectae fuerint, ut eundem Beatum Stanislauum dictorum Regni, & magni Ducatus Patronum principalem inter alios Patronos Principales, ut exempli gratia sunt Sancti Adalbertus, & alter Stanislauus, ob innumera beneficia, & gratias, quae intercessione dicti Beati Stanislai ab Omnipotenti Deo sibi collata fuisse pio affectu memorabant, declarare de benignitate Apostolica dignaremur: Hinc est quod nos etiam supplicationibus dicti filii Procuratoris in hac causa specialiter deputati nomine Nobis super hoc humiliter porrectis benigne inclinati, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendam harum serie absolventes, & absolutum fore censes, quamvis Constitutiones Apostolicae, & Decreta Congregationis praedictorum Cardinalium die 23. Martii 1630. super Ordinatione servanda pro Patronis eligendis emanata, electionem Beatorum in Patronos fieri vetent, eoque solum qui ab Ecclesia Universali titulo Sanctorum colantur, non autem Beatificatos dumtaxat, in Patronos eligi posse declarant, nihilominus ad majorem Dei laudem, Divinique cultus augmentum id tendere agnoscentes, de memoratorum Cardinalium consilio, praedictum Beatum Stanislauum Kostka Patronum principalem Regni Poloniae, & Magni Ducatus Lithuaniae praedictorum, eisque adjunctarum Provinciarum cum omnibus, & singulis praerogativis, quae principalibus Patronis eorumdem Regni, & Magni Ducatus competunt, & quibus praenominati Sancti Adalbertus, & Stanislauus, aliique Principales Patroni Regni, & Magni Ducatus hujusmodi ibidem de praesentibus gaudent, seu coluntur, juxta tamen ritum rubricarum Breviarii, & Missalis praedictorum dictae auctoritate tenore praesentium declaramus.

Absolutio a censuris, & poenis.

Decreta Congregationis SS. Rituum verant Beatos eligi posse in Patronos.

Pontifex dict. Beatum Stanislauum principalem Regni Poloniae, & Magni Ducatus Lithuaniae Patronum declarat, prout in rub.

§. 3. Ac, ut omnium devotioni erga dictum Beatum Stanislauum consuli valeat, annum ejusdem Beati memoriam in posterum ad diem Dominicam proximam post diem 13. Novembris, in Regno tamen Poloniae, & Magno Ducatu Lithuaniae, adjunctisque Provinciis praedictis dumtaxat transferri posse auctoritate, & tenore praedictis concedimus pariter, & indulgemus.

§. 4. Non obstantibus praefatis Decretis, ac Constitutionibus, & Ordinationibus Apostolicis, caeterisque contrarium statutibus quibuscumque.

§. 5. Volumus autem, ac mandamus praesentium literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ab omnibus, & ubique tam in iudicio, quam extra illud habeatur, quae haberetur ipsis praesentibus, si forent exhibitae, vel ostensa.

Datum Romae apud S. Mariam Majorem, sub Annulo Piscatoris, die 10. Januarii 1674. Pontificatus nostri Anno Quarto.

I. G. Slufius.

Registr. in Secret. in Libro Brevium Mensis Januarii par. 2. fol. 133.

Confirmatio duorum Decretorum Sacrae Congregationis Episcoporum, & Regularium, quibus declaratur, quod Fratres Excalceati Ordinis Eremitarum S. Augustini sint veri filii dicti Sancti, & gaudeant omnibus Privilegiis, quibus Calceati dicti Ordinis, eorumque Religio gaudet.

LVI.

CLEMENS PAPA X.

Ad perpetuam rei memoriam.

CUM (sicut accepimus) alias a Congregatione tunc existentium S. R. E. Cardinalium negotiis, & Consultationibus Episcoporum, & Regularium praeposita ad favorem Fratrum Excalceatorum Ordinis Eremitarum Sancti Augustini emanaverint duo decreta, tenorum, qui sequuntur videlicet. *Agostiniani Scalzi. Al memoriale del seguente tenore.* Fratres Discalceati S. Augustini Congregationis Italiae, & Galliarum, quibus aliquando per calumniam objicitur, quod non sint veri filii ejusdem Sancti, nec gaudeant privilegio erigendi de licentia Vicarii Generalis in eorum Ecclesiis Societates Corrigiatorum, ac Corrigiatorum S. Augustini, & S. Monicæ cum iisdem Privilegiis, gratiis, & Indulgentiis hæctenus Archiconfraternitati sub titulo D. nostrae de Consolatione in Ecclesia S. Jacobi Bononiae erectae concessis, & concedendis perinde ac Calceati eas erigunt in propriis Ecclesiis de licentia Generalis juxta Breve Gregorii XIII. sub datum 12. Novem. 1579. quod incipit; *Volentes sicut conveniens esse videtur, quod Patentes unionum &c.* atque aliis quibus gaudent Fratres Calceati, ad obvianandum eidem calumniae, supplicant humiliter EE. VV., ut dignentur declarare Oratores esse veros S. Augustini filios juxta Breve fel. me. Clementis VIII. sub datum 12. Decembris 1595. quod incipit; *Exponi nobis nuper fecit &c.*, & alterum Breve Urb. VIII. sub datum 21. Julii 1628. & aliud expeditum sub die 29. Augusti 1641., & gaudere dicto, atque aliis omnibus privilegiis omnium Mendicantium, & quibus gaudent Fratres Calceati, sante quod Discalceatorum Congregatio fuit instituta ab ipsomet Ordine in Capitulo Generali de anno 1592., & ut germana S. Augustini fuit habita a sa. me. Clemente VIII. in Breve super receptione Novitiorum, & sim.

Tenor supplicis libelli porrecti a Fratribus Excalceati Ord. Eremitarum S. Augustini Congregationi Episc. & Regul.

Tenor primi Decreti d. S. Congregationis Episcoporum, & Regularium favore d. fratrum Excalceatorum Ord. Eremit. S. Augustini.

Tenor alterius Decreti ejusdem S. Congregationis favore dictorum fratrum &c.

Absolutio à Censuris.

Pontifex Motu proprio dd. duo Decreta confirmat, omnesque defectus siqui in eis intervenissent supplet, & sanat.

Decretum irritans.

fel. rec. Pauli V. in Breve super confirmatione Constitutionum, atque aliis, nec æquum est ut major observantia in hac parte eis præjudicet &c.

§. 1. Sacra Congregatio Emorum S.R.E. Cardinalium negotiis, & Consultationibus Episcoporum, & Regularium præposita, Emò Carpineo referente, censuit, Oratores esse veros S. Augustini filios, & tam eos, quam illorum Congregationem gaudere omnibus Privilegiis, quibus Calceati, eorumque Religio gaudet. Romæ 1. Septembris 1645. Ita reperitur in Registro autographo Sacræ Congregationis negotiis, & Consultationibus Episcoporum, & Regularium præpositæ habita uti supra. In quorum fidem &c. hac die 7. Februarii 1673. C. de V. Archiepiscopus Athen.

§. 2. Sacra Congregatio S.R.E. Cardinalium negotiis, & Consultationibus Episcoporum, & Regularium præposita ad compescendam nimiam eorum licentiam, qui contra declarationem alias ab hac Sacra Congregatione latam sub die 1. Septembris 1645. ausi fuerint deinceps asserere Fratres Discalceatos S. Augustini non esse veros ejusdem Sancti Patris Filios, nec eos, eorumque Congregationes gaudere omnibus privilegiis, quibus Calceati, illorumque Religio gaudet, Emò Carpineo referente, supradictam declarationem, etiam quoad Fratres Congregationis Hispaniæ renovans, & confirmans penam excommunicationis majoris Sanctæ Sedi Apostolicæ reservatæ contraventoribus imposuit, & ad tollendas hujusmodi contentiones, & jurgia, quæ inter Fratres supradicti Ordinis, & Congregationum Discalceatorum non absque religioso status dedecore, ac Sæcularium scandalo prodeunt, neve Frater cum Fratre contendat, eosdem serio monet, ac hortatur in D., ut proprii Instituti memores, ac fraternæ charitatis, per quam sub eodem Instituto vocati sunt in Societatem Christi in uno spiritu, contentiones hujusmodi, quæ religiofam unitatem maxime labefactant, depellant omnino. Quinimo enitantur potius, ut ambulantes in Domo Dei cum consensu per mutuum in se ipsos charitatem, quod est vinculum perfectionis verius quam per habitum, & calceamenta tanti Patris filios se se exhibeant. Datum Romæ 11. Augusti 1651. M. Ginettus, M. Adericius Secretarius.

§. 3. Nos Decreta hujusmodi perpetuis futuris temporibus inviolabiliter observari cupientes, dictosque Fratres Excalceatos specialibus favoribus, & gratiis prosequi volentes, & eorum singulares Personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & penis a Jure, vel ab homine, quavis occasione, vel causa latis, si quibus quomodolibet innodati existant ad effectum præsentium dumtaxat consequendum harum serie absolventes, & absolutos fore censentes, Motu proprio, ac ex certa scientia, & matura deliberatione nostris, deque Apostolicæ potestatis plenitudine duo Decreta præinserta cum omnibus, & singulis in eis respective contentis, & expressis, tenore præsentium perpetuo confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui in præmissis decretis quomodolibet intervenerunt, aut intervenisse dici, censerit, vel prætendi quovis modo possent, plenissime, & amplissime supplemus, & sanamus.

§. 4. Decernentes easdem præsentem literas, & Decreta præinserta semper firma, valida, & efficacia existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore quodocumque spectabit in omnibus, & per omnia plenissime suffragari, & ab eis respective inviolabiliter observari: sicque, & non aliter in præmissis per

quoscumque Judices Ordinarios, & Delegatos, etiam Caesarum Palatii Apostolici Auditores, ac ejusdem S.R.E. Cardinales, etiam de Latere Legatos, aliosve quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, ac irritum, & inane si secus super his a quocumque quavis auctoritate, scienter, vel ignoranter contigerit attentari.

§. 5. Non obstantibus Constitutionibus, & ordinationibus Apostolicis, ac quatenus opus sit dicti Ordinis, aliosve quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus, & singulis omnibus illorum tenores præsentibus pro plene, & sufficienter expressis, & insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 6. Volumus autem, ut præsentium literarum transumptis seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in Judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 3. Martii 1674. Pontificatus nostri Anno Quarto.

I. G. Slufius.

Registrata in Secretaria Brevium in lib. Mensis Martii par. utraque fol. 204.

Trium decimarum super fructibus omnium Ecclesiasticorum Beneficiorum, & Pensionum in universâ Italia, & Insulis Italiæ adjacentibus.

CLEMENS EPISCOPUS,

Servus Servorum Dei. Ad futuram rei memoriam.

Ubi primum Divina Clementia nos, nullis licet præcedentibus meritis, ad Apostolicæ Dignitatis apicem evehit, Pastoris, & Patris Universalis muneri, quod gerimus, satisfacere cupientes, inter cæteras gravissimas curas, eo animo, & intentionem direximus; ut Clerum Italiæ, & Insularum illi adjacentium, tam Sæcularem, quam Regularem à Decima per fel. recor. Alexandrum Papam VII. prædecessorem nostrum ob urgentem temporis illius necessitatem imposta, cum illa necessitas jam cessasset, liberarem, majora illi subinde Pontificiæ charitatis argumenta exhibituri, ubi per conditionem temporum licuisset.

§. 1. Verum Erarium Apostolicum variis Christianæ Reipublicæ calamitatibus sublevandis in præsens valde exhaustum, non solum cursum inhibuit nostræ erga eundem Clerum liberalitatis; sed imminente nunc Poloniæ Regno ab efferis, perpetuisque Christianæ pietatis hostibus maximo, periculosissimoque bello, in quo totius Europæ, adeoque rei Christianæ salus, & fortunæ haud dubiè aguntur; eo nos redegit, ut ad ferendum tanto malo humanam opem, post Divinam accuratis precibus implorætam, extraordinaria, quamquam prædecessoribus nostris Romanis Pontificibus aliquando consueta, experiri remedia cogamur. Egimus nos quidem per literas, & per Nuntios nostros, & quacumque alia ratione potuimus, neque pro Pastoralis Officii

Contrariis derogat.

Transumptorum fides.

Edit. 3. Mar. 1674. An. 4.

LVII.

Exordium.

Motiva hujus Conclit.

nostrum